

Goibekokale

ELGETA / Barikua / 2004eko ekainaren 11a / 189. zenbakia

KOORDINATZAILEA: Irati Agirreazaldegia • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

ETB Kantxa lau t'erdiko pilota txapelketa final-laurdenetan

IRATI AGIRREAZALDEGI


ETB Kantxa pilota txapelketa aurrera doa. Asteburu honetan eta hurrengoan finalerdiak jokatuko dira. Maila bakoitzean zortzi pilotari gazte daude. Kadeteen mailan Apezetxea da favorito, baina 23 urtez azpikoetan ez dago argi zeinek egingo duen aurrera.

Sailkapen fasea amaitu eta final-zortzirenak joan zen asteburuan jokatuta, ETB Kantxa lau t'erdiko txapelketako final-laurdenetan sartuak dira pilotari gazteak.

Maila bakoitzean zortzi pilotarik jardungo dute eta partiduak asteburu honetan eta hurrengoan jokatuko dira.

Gaur, barikua, gauean, kadete mailako hiru partidu izango dira jokoan, 21:30ean hasita. Yoldik Mendizabal izango du aurrez aurre, Etxeberriak Narbarte eta Iturriotzek, berriz, Legarreta.

Bihar, zapatua, berriz, 23 urtez azpikoen txanda izango da. Retegik Erroizenearen aurka jokatuko du eta Arretzek Mendizabalen kontra. 17:00etan hasiko da lehenengo norgehiagoka eta ETBk zuzenean eskainiko



AITOR LIZARRALDE

Zapatu arratsaldeko 23 urtez azpikoen partiduak telebistaz emango dituzte zuzenean.

ditu telebistaz bi partiduak. Gai nontzeko final-laurdenak ekainaren 18an jokatuko dituzte, 20:00etan hasita.

FABORITORIK EZ

Zaila da txapela irabazteko faboritoa zein den esatea. Juan Luis

Ubera Ozkarbi Elkarteko pilota saileko arduradunari galdetuta zera esan digu: "Zapatuan jokatuko duten lau pilotariak maila ona dute eta euren jokoa orekatua da. Laurek daukate aurrera egiteko aukera, baina hori partiduan bertan erakutsi beharko

dute. Kadeteen mailan, berriz, Apezetxea iazko irabazlea ikusten dut txapela janzteko moduan".

Final-laurdenetan jokorik onena erakusten dutenek hila ren 25ean jokatuko dituzte finalerdiak; azken partiduak, berriz, uztaillaren 4an izango dira.



Arrandegia berriz zabalik

Azken hilabete honetan ez da arrainik iritsi Elgetako portura. Herrian dagoen arrandegi bakarra itxita egon da hilabetez, jabeak lagatzeko asmoa baitzuen. Orain, ordea, herritarrei zerbitzu hori emateko asmoz, uztaillaren amaierara arte arrandegia berriz irekitzea erabaki du Kontxi Bolinagak. Ondoren erretiroa hartuko du berak, eta Kontxiren ordez Garbiñe Ormaetxea elgetarra arduratuko da arrandegiaz. Aldaketa hori irailetik aurrera izango da./I.A.

LABUR

Udal langileen lanuztea lan hitzarmena dela eta

Udal langileek bat egin dute lan hitzarmena negoziatzeko hainbat udaletan egiten dabil-tzan lanuzteekin. Joan zen barikuan ordu eta erdiko lanuztea egin zuten udaletxe-ko hamar langileek eta plazan elkarretaratzea izan zen. Langileek negoziatzeko mahala eratzea eskatu diete agintariei, baina haiek ez dute eskaria onartu. Aurki beste bilerara bat egitekoak dira eta eurek eskatutakoa bete ezean neurriak hartuko dituztela jakinarazi dute udal langileek.

Zaldibarko lau talderen kontzertua bihar gaztetxean

Kontzertua izango da bihar gauean gaztetxean, 22:00etan hasita. Guztira lau taldek jardungo dute, denak Zaldibarkoak: Santos Dolidos, Damu Dot, Disorders eta Rotenmeier, hain zuzen ere. Punk eta rock musika egiten duten talde hauetako batzuk aurrez ere izanak dira Elgetako gaztetxean. Bestalde, aurreratu digute datorren astean, ekainaren 19an, hain zuzen ere, beste kontzertu bat izango dela gaztetxean, baina oraindik zehazteke daude taldeak.

Jendea behar da Euskal Jai egunean umeak hartzeko

Ekainaren 27an, Euskal Jai egunean, 120 dantzari etorriko dira Elgetara inguruko herrietatik. Neska-mutilek herriko etxeetan bazkaltzea da asmoa, baina horretarako herritarrek prest azaldu behar dute umeak etxean hartzeko. Gauzak horrela, oraingo 46 umerendako baino ez da tokia aurkitu, beraz, 80 dantzari inguru daude zain. Bi, hiru zein lau ume har ditzakete eta egunean bertan arduradunek dituzte bazkalorduan.

JAIK

Paella erraldoia egingo dute jaietan, 400 bat lagunendako

I.A.

Jaietan, zapatuan, herri bazkaria izango da plazan eta menua gertatua dute Jai batzordekoek: paella. Santandertik etorritako talde bat arduratuko da paella erraldoia gertatzeaz. Arroz kilo mordo eta osagai asko behar izango dituzte horretarako, 400 lagunendako izango baita paella hori.

Plazan bertan jendaurrean jardungo dute sukaldariek lanean eta eguerdian, bazkal orduan, doan banatuko diete bertaraten direnei. Hala ere, Jai batzordekoek jakinarazi dute eurek jatekoa, hau da, paella bakarrik banatuko dutela eta gainontzekoa norberak ipini beharko duela.

Bazkalosterako ere prestatua dute ekitaldirik. Herriko koardilen arteko jokoak izango dira plazan bertan, eta herritarrak bazkarian eta jokoetan parte hartzera animatu nahi dituzte.



Plazan egingo duten paella jaietako zapatuan banatuko dute.

ARETO FUTBOLA

Finalerdien atarian dago txapelketa

I.A.

Areto Futbol Txapelketako lehen faseko azken jardunaldia izan zen joan zen zapatuan jokaturakoa. Bertan, La Kokotxa taldeak 5-11 galdu zuen Viciosen aurka, eta Spias taldeak 6-7 Txapelaren kontra; Ariñiketan taldea, berriz, Makanakiri nagusitu zitzaion sailkapen faseko azken partiduan, hain zuzen, 9-1eko emaitza lortuta.

SAILKAPENKO PARTIDU BAT FALTA

Baina oraindik erabaki gabe dago finalerdia zein taldek jokatuko dituzten. Izan ere, lehen fasean atzeratutako partidu bat jokatzeko dago oraindik.

Txapela eta Komando Piperrak taldeen arteko norgehiagoka hori erabakigarria izan daiteke. Partidua ekainaren 12an jokatu da, 16:00etan.

Datorren asteko partidua amaitu arte zain egon beharko dugu, beraz, finalerdia zein taldek jokatzeko dituzten jakiteko.

Oraingoz bi talde baino ez daude sailkatuta: Ariñiketan eta Vicios. Beste bi finalerdietarako hiru taldek dute sailkatzeko aukera: Txapela eta Komando Piperrak (partidu bat jokatzeko dutenak) eta Makanakiri.

Hiru talde horietatik Txapelak, nahiz eta jokatzeko daukan partidua galdu, seguru aski aurrera egingo du eta finalerdietarako sailkatuko da. Izan ere, beste taldeek baino gol gehiago egin ditu eta bere atean gutxiago jaso.

Finalerdia ekainaren 19an jokatu dira kiroldegi kanpoko kantxan. Finala, berriz, ekainaren 26an izango da. Baina oraindik zehazteke dago partidu horiek zein ordutan izango diren.

POLITIKA

Aralar: "Herritik herrirako jardun dugu eta jardungo dugu lanean"

I.A.

Udalean urtebete pasa ostean, balorazioa egin zuen Aralarrek astelehenean. Balorazio orokorra egin ostean, gobernu akordioaz jardun zuten eta baita Udaleko hainbat proiekturen gainean ere. Bide batez aurrerantzerako dituzten asmoen berri ere eman zuten.

Urtebete Udalean eman ondoren balorazio positiboa egin du Aralarrek, bai lortutako emaitzen gainekoa, baita egiten diharduen lanarena ere. "Herritik herrirako egiten den lanak Udalean gero eta pisu handiagoa duela uste dugu", esan zuten zinegotziek.

Balorazio orokorra positiboa den arren, gobernu akordioa dela eta zera adierazi zuten: "Gobernuan elkarrekin egoteak elkarriketa eskatzen du. Aralarrek ateak zabalik ditu elkarriketarako, espero dugu EAJ-EAk jarrera aldatzea. Pena da iaztik gurekin berba egiterik ez gura izatea. Ez dugu lortu bilerarik egiterik gobernu jardunaren gainean".

Baina elkarriketarik eza ez da gobernu akordioan topatu duten arazo bakarria. "Lanerako modu desberdinak ditugu. Erabaki garrantzitsuak ez dituzte gurekin adosten eta batzordeetan edo erabakiguneetan emandako informazioa publiko egitea ez dute ondo ikusten".

Azalpenen ostean proiektuen berri eman zuten: saihesbidea, Espaloia, eguneko zentroa, haur eskola, garraio publikoa, zaintza eta aisialdi zerbitzua, mendi museoa, kirol instalazioak eta babes ofizialeko etxeak.

Arazoak arazo, Aralarrek bere bideari eutsiko diola esan zuten gero: "Gure jokatzeko modua herritarrei gauzak argi eta garbi esatean oinarritzen da".

Horretarako herritarren partaidetza bultzatzea, Udala herriarengana gerturatzea, haren barne funtzionamendua hobetzea eta Udalean zabaldu duten aro berria etorkizunean sendotzea dira datozen urteetarako Aralarrek dituen erronkak.



Aralar alderdiak Udalean dituen hiru zinegotziek eman zituzten azalpenak.

ELGETA AUTOAK

Berraondokoa z/g ELGETA
T. 943 76 82 02 F. 943 76 82 98

Patxi Taberna

• Bokata goxoak • Plater konbinatuak
• Espezialitatea: Tripakiak

Salbador, 3 Tel.: 943 768 093 Elgeta

Aperribay, s.l.

Marmoldegi eta granitoak

Pagatza indus. z/g.
Tel. eta faxa: 943 78 90 21

20690 ELGETA

ILE APAINDEGIEN GIDA

IDOIA URBINA/ IDOIA ILE APAINDEGIKOA

'Adineko jendearen kezka nagusia ilearen erorketa da, eta horretarako tratamendu bereziak dauzkagu.'

Zenbat urte daramatzazu orrazten?

Hemezortzi urterekin hasi nintzen orrazten. Azken hamar urteetan nire ile apaindegian ari naiz lanean.

Modaren jarraitzaileak zara?

Bai, noski, nire lanerako ezinbestekoa da moda jarraitzea. Lan egiten dudan etxe-ek Euskadi mailan antolatzen dituzten ikastaroetara joaten naiz. Hala ere, bai kalean eta baita telebistan ere asko ikasten da, ideia berriak hartzeko balio du.

Zer-nolako bezeroak dituzu?

Denetariko bezeroak dauzkagu, gazteak, nagusiak, mutilak, neskek eta umeak.

Jendea ausarta al da?

Bai, jendea ausarta da. Neska gazteak dira ausartenak, kolore aldaketa asko egiten dituzte. Momentu honetan kolorea da gehien egiten dudana. Orain oso modan jarri da, adibidez, bi eta hiru kolore ematea ilean. Niri asko gustatzen zait, eta nire bezeroak gustura geratzen dira emaitzarekin.

Jendeak zaintzen du ilea?

Jendeak geroz eta garrantzi handiagoa ematen dio ilea zaintzeari. Bezeroek aholkua eskatzen didate eta lan egiten dudan etxeetako tratamenduak eskaintzen diz-



Idoia Urbina ile apaindegiko jabea.

kiet. Adineko jendearen kezka nagusia ilearen erorketa da, eta horretarako tratamendu bereziak dauzkagu.

Bezeroak ideiak garbi etortzen dira?

Normalean jendea ideia garbiekin etortzen da, normalean jendeak badaki zer nahi duen. Dena dela, beti galde-tzen dute zein orrazkera berri irten diren, eta batzuetan animatzen dira look-a aldatzera.

Ile apaindegia bakarrik edo beste zerbitzu batzuk ere eskaintzen dituzu?

Ile apaindegiaz gain zerbitzu hauek ere eskaintzen ditut: makillajea, manikura, aurpegiaren garbiketa eta solariuma.

IDOIA

Espoloia 4 - Bergara
943 76 97 75

- Ile luzatzeak
- Aurpegiko larruzal garbitzea
- Solariuma

Aukera onenak

ADATS

Herri lagunak 4 - Bergara
943 76 49 51

- Solarium bertikala
- Europako azken tendentziak
- Zerbitzu berezi eta pertsonalizatua

AMPARO
ILEAPAINDEGIA
ESTETIKA

Boni Laskurain 2 - Bergara
943 76 43 07

- Txapelketetako Gipuzkoa taldekoak
- Kérastase tratamenduak
- Makillaje bereziak
- Abangoardia lanak

BEROTZI
PELUQUERAS

D. Fleming 5 - Bergara
943 76 53 15

- Sebastian promozio bereziak
- Trucco makillajea
- Londres eta New Yorkeko azken tendentziak
- Schwarzkopf kolorea

disdira

ile apaindegia
Masterreka 7 - Bergara
943 76 00 55

- Luzatzeak
- Azken joerak
- Ezkontzak
- Azken joerak koloreetan

ileak

Ozaeta 3 - Bergara
943 76 22 54

- Ilerako tratamenduak
- Teknika berriak
- Era guztietako orraskerak

IZARRA

San Pedro 23 - Bergara
943 76 29 72

- Luzatzeak, ile-kordak, rastak
- Ilerako bitxiak
- Solariuma dutzarekin

KIZKUR

Bolu 51 - Bergara
943 76 50 32

- Ile apaindegia eta estetika areto integrala
- Azken joerak
- Puntako markak

ORRASKI

San Pedro 6 - Bergara
943 76 47 01

- Ile apaindegi mistoa
- Kolore bereziak
- Ezkontzak
- Solariuma

Ostadar

Ibargarai 42 - Bergara
943 76 72 76

- Ile mozte eta kolore pertsonalizatuak
- Depilazioa eta makillajea
- Solariuma dutzarekin

Pepelu

Zurradero 2 - Bergara
943 76 43 07

- Gizonezkoendako
- Labanaz mozteak
- Azken tendentziak
- Bizartegia
- Kolorea

Sanchez

Fraiskozuri 4 - Bergara
943 76 23 70

- Gizonezkoendako
- Labanaz mozteak
- Klasikoa/modernoak
- Bizartegia
- Kolorea